



東澹家乘目錄

卷之五

五言絕句

送緝熙宗丈之曲阜廣文



兀坐郡城

郊遊樂甚歸遇族中有外侮之事感賦

寄銘新宗丈

夏夜對月

見蘭志喜



立秋日甚雨

秋夜友人過存便欲遄歸賦此勉留

賦友人別業用前韻

諸姪中秋會邀予同飲至夜分即席賦謝

入郡候直指公祖偶嬰足病有述

病足感賦

九日舟中

驚蟄日舟泊鷄山遇疾風甚雨

湖中卽事

邨公館聞讀書聲有感

宿邨公館被盜

葉郊

昆陽舖

夜宿小藍橋

別同事大行羅賡南

贈沙市主人曾景南

寓沙市贈金谿武舉黃順應

舟次石首邑人見疑有欲索郵符驗者走筆示

之

舟行南康

途中望塵

朝天宮

萬壽習儀次屏間韻

留園閱時莧

暮春對瑞香有感

東潛家乘卷之五

東汝王廷垣 康侯甫著

五言絕句

送緝熙宗丈之曲阜廣文

白社余同結青雲君獨程寒氊無厭冷魯鐸待傳聲  
兀坐郡城

新年入故郡時事異前遊誰動門軍色晨昏肅戍樓  
郊遊樂甚歸遇族中有外侮之事感賦

清趣梔田家蝸爭靜轉譁何當還讓畔相與解搔爪



寄銘新宗丈

別後憶同勞應憐予獨騷白雲居士快讀罷醉松醪  
夏夜對月

竹影扇雲涼疎鍾度艸堂蠲煩茲夕勝無事映螢囊  
見蘭志喜

晚分幾就荒着意護花旁善氣迎人處一枝噴異香  
立秋日甚雨

昨夜井梧秋淫霖送火流誰傳黃鳥信竹外亦喧啾  
秋夜友人過存便欲過歸賦此勉留

入嶼對山阿翩然嘉客過黍谿堪井轄塵市少雲窩  
賦友人別業用前韻

小築瞰城阿還邀汝水過莫言門近市饒有隱淪窩  
諸姪中秋會邀予同飲至夜分即席賦謝

勝會舊多賢新添客袖翩清歌窮苑外華影落樽前  
入郡候直指公祖偶嬰足病有述

駑步難晞驥蹇材欲避驄何當還息踵一御列仙風  
病足感賦

支離步跬艱廢應得餘閒漸領空房味玄心憶閉闔

九日舟中

王程馬首東重九客中逢盃叶持螯地舟乘落帽風  
驚蟄日舟泊鷄山遇疾風甚雨

風雨挾霆威朝來失釣磯驚候一何信驚魂客未歸  
湖中卽事

春山雨後妍草色更嫣然雖便風帆勢湖光絆眼前  
卽卽公館閑讀書聲有感

芸窗此韻偏花縣更泠然爲語觀風者戶誦抵家絃  
宿卽卽公館被盜

枕夢尋真舊書聲被化新胡然分舜跡還有攫金人

葉郊

南望盡平蕪翻疑水利疎繇來多曠土孰作轉民圖

昆陽舖

烟村一望處盡被劫灰燃當日王師利茲晨莫贈鞭

夜宿小藍橋

馬首指荆門蕭蕭風雨村晴嵐空望眼新漲有驚魂

別同事大行羅賡南

桐封役已周蘭佩味方稠別後駢駢動先攄入告猷



贈沙市主人曾景南

陶朱能有聚卞式諒無家大隱隱朝市高君泛客槎

寓沙市贈金谿武舉黃順應

黃石對江湄何人問握奇燕臺方市駿國士亟酬知

舟次石首邑人見疑有欲索郵符驗者走筆示

之

自分桐圭濫應無廣鼎虞寄言飛舄者有客棄闕繻

舟行南康

牽舟下星渚勢將風力抗不能廬阜遊羸得終朝望

途中望塵

弱質無根抵隨風輪與蹄還同道上客鴻爪逐東西

朝天宮

萬壽習儀次屏間韻

並爲嵩嶽呼誰敢蘓門嘯雪月布恩允天街資末炁

留園閱名集

副墨暇爲開明窓共素梅案頭清意滿誰送暗香來

暮春對瑞香有感

一氣自來太新枝辭舊葉紛然送却春又作飛花怯

東澗家乘目錄

卷之六

七言絕句

初詩自述

掃竹徑

架松棚

喜雨

見稻有感

先大秋一日微雨



聞謝培元館選喜甚因寄仲白弟

有菊一株委置牆角初不知其爲片片金也花  
發賞甚移居山房因作三絕慰之

其二

其三

松聲

其二

瀛洲秋色

其二

題尋幽圖

題垂釣圖

二月湖中

積雨新晴

先立春半日瑞雪應祈正逢春刻忽晴爲賦五

絕志喜

其二

其三

其四

其五

小憩梁源驛

過黃梁祠有感

其二

簡邯鄲令佈謝

過湯陰見岳武穆故里詢之子姓已易有矣爲

之愾然

過葉縣有感

泥塗

南陽道中夜行遇螢火蛙聲有感

其二

東園見梅有感

其二

輓李年伯

清明卽事感用舊韻

其二

其三

其四



病中有客送菊四株艷甚而予步翫維艱感賦  
後園觀桃

仲春既望清明日

馬上聽黃鸝

其二

其三

其四

我師侄孫暑月遊金魚池是日紅裙觀者甚盛  
有作竹枝辭之約予亦感而賦之

其二

其三

其四

其五

夏夜雨過

夏夜即事

南還途中十二感

聞雷

遇風

望月

憶花

見草

見麥

見柳

見桃

聞更

遇燕

聞鳥

聞蛙

上條陳疏

淡秋遇雨

蚤署聽雨

禱雨山下便憇鄭介夫先生祠有感再賦一絕

病晚觀梅

嘲目

代目解嘲

嘲髮



代髮解嘲

嘲齒

代齒解嘲

嘲心

代心解嘲

初雪

其二

盛雪

其二

久雪

其二

臘月廿二以

聖壽告

陵雪途有紀

三月三十日夜送春四絕

其二

其三

其四

聞鶯有感二絕

其二

東坡全集  
目錄卷六  
饋鶴

病鶴

憐鶴

迎春日聞虜警劇甚有感

其二

其三

其四

署中即事

瓶梅五首

其二

其三

其四

其五

先一夕言歸別雍署

次日登舟

其二

諸生送至燕子磯適警報頻至即乘風解舟不  
暇登眺悵然有作



其二

清明日舟次上龍潭

其二

其三

舟發富陽

水碓四詠

其二

其三

其四

季夏入郡雖云候學道郡守兩公祖亦以族訟不得已而鳴之也途中感作

其二

其三

入郡城逢七夕早甚修禱雖以郡守秉虔鄉紳說法而卒莫之應亦奇厄也爲之愀然爰抒鄙句七絕以當祈文一篇

其二

其三

其四

其五

其六

其七

先中元一夕寓郡城有感

其二

其三

其四

其五

癸未中秋偶逢薄蝕因致晦冥微雨有感

其二

其三

其四

其五

其六

其七

先重九一日聞陳惟易先生遊里中白雲峯走

筆索句



畱園菊一株小甚遍覓佳者偶得之僅隔重九  
十日而色少渝矣感賦

其二

其三

其四

其五

其六

其七

癸未八月放榜忽聞吾郡脫科有感

其三

仲冬朔日譏守禦因演鄉勇有感

其二

仲冬九日夜聞寇退志喜

其二

其三

其四

至後一日畱園見梅

其二

仲冬望日再閱鄉勇用前韻

其二

不涉園者數日梅花已盛開矣少選鶴舞其下  
雙白交映亦一刻清絕景也爲數韻以詠之

其二

其三

其四

園中觀梅

其二

四月二日立夏朔日夜迭春有作

其二

其三

其四

其五

其六

其七

四月八日鄰姬借予廳事禮拜大士予避之畱



園晚歸感賦

其二

其三

其四

其五

閱邸報見李括蒼年翁正月蒙

上御正陽

門行遣將宴餞禮因憶黃東崖年翁有作

其二

其三

孟夏望後通都復演鄉勇有感

其二

其三

甲申五月聞國變後覽鏡自傷

甲申七夕

其二

其三

甲申歲至日恭祀祖祠禮畢有感

其二

其三

其四

其五

其六

其二

孟夏望對賦詩對賦詩與沐風

東漢家乘卷之六

東汝王廷垣 康侯甫著

七言絕句

初詩自述

帖括年來還未工漫將短句索詩筒時人莫笑邯鄲步自爲先人惜冶弓

掃竹徑

炎蒸何處覓清風賴有幽篁一徑通掃却積埃還淨土夕陽長此送餘紅



架松棚

移來松葉代槐陰直抗驕陽不敢侵莫道山家清事拙也堪避影免薰心

喜雨

沛霖力已破驕陽蚤見新秔飯欲香雲漢憂歌知免矣歡呼爲頌大田章

見稻有感

前溪畦稻日催黃似爲秋光淡野燒時候繇來驚暗換空令人愴鏡中霜

先立秋一日微雨

秋向溪頭五夜生先將浙瀝報秋聲幽人無限悲秋意應與秋溪逐日盈

聞謝培元館選喜甚因寄仲白弟

東汝文章駿有聲長安新貴館中英當年王謝聯鍾事頗聽吾家仲子鳴

有菊一株委置牆角初不知其爲片片金也花發賞甚移居山房因作三絕慰之

黃花菜菜欲衝寒冷置牆頭景甚卑移向東林尋竹

伴幽姿時得雨中看

其二

莫嫌青眼盼來遲  
猶勝殘英翳地時  
幾許隱淪同落魄  
可能拂拭受人知

其三

予今茂對幾徘徊  
細蘂迎風尚欲胎  
寂寞山房無寓目  
煩君次第爲予開

松聲

誰將密葉韻疎風  
點瑟回琴在谷中  
仙籟泠然傳玉署  
頓令清興發無窮

其二

喬幹能橫偃蓋陰  
延飈時作海潮音  
誰知瑟瑟秋濤裏  
已表堅貞歲暮心

瀛洲秋色

井梧飄葉送新秋  
爽氣朝來暄氣收  
玉署金飈清其映  
併來一味作瀛洲

其二

爽籟遙從上苑傳  
玉堂人坐玉壺天  
神遊列子冷風



東坡全集卷之六  
御心契莊生秋水篇

題尋幽圖

寂寂山房一徑通  
石梁煙樹點村容  
委蛇更有尋幽者  
頓使桃源在目中

題垂釣圖

江頭盡日把竿垂  
此外浮名等劍吹  
但使隱心如道貌  
不教文有北山移

二月湖中

憶昨秋風便乘槎  
歸途却汎水桃花  
王臣寧似王孫散  
芳艸萋時不到家

積雨新晴

一夜西風捲積霖  
朝來彩旭弄春禽  
漫言霽豁羈人意  
艸色湖光也悅心

先立春半日瑞雪應祈正逢春刻忽晴爲賦五絕志喜

誰將豐玉種人間  
爲報新春認故山  
想見齊居淡念處  
喜同霽色入天顏

冬春候接雪交晴  
晴似迎來雪送行  
造物較於人事

信年華管領倍分明  
帝座精誠通吸呼庶徵佳氣兆春初長安日近應相  
感未識江南有也无  
都門莫訝雪飛遲猶是瓊花六出時況有新晴開蚤  
律并將樂意喚農知  
莫貪雪澤恨無多應候陰晴序入和但使歲功長此  
巧不憂主者拙催科

小憇梁源鋪

古槐行館布濃陰上有黃鸝睨睨音便欲脩然資偃  
息南征未許北窗尋

過黃梁祠有感

停車祠下謁仙真仙自凌虛我抗塵真習一如言亦  
了只慙未是了心人

其二

覺路原超幻與真只疑世自擾根塵予今四牡皇皇  
者猶是盧生夢裏人

東耶邨令佈謝

爲訪黃梁動下車寧知仙令接仙居耶邨應有飛鳧



鳥夢覺關頭蚤破除

過湯陰見岳武穆故里詢之子姓已烏有矣爲

之慨然

何處烟村武穆家空將宅里表桑麻年來胡虜天驕甚安得軍聲復岳爺

過葉縣有感

能下真龍好已殊猶傳幻術烏飛鳧祇今循吏優仙吏只向牛羊間牧芻

泥塗

北苦塵濃南苦泥粘泥便作塵梯雨暘不任征途

咎露宿風餐客自齋

南陽道中夜行遇螢火蛙聲有感

雨餘客路滯宵征候館曾無野火迎螢焰似憐行役遠時從朦月助微明

其二

汝悅新流晚更空予乘宿雨悵何之鼓吹不効宵行用鳴聒偏疑只爲私

東園見梅有感

東坡全集卷之六  
隔別溪梅閱數年東園乍對倍欣然宦遊不及閒蜂  
蝶羸得寒香歲一傳

其二

不信冰肌開雪開纔回暖律便相催應憐北使經年  
別故放南枝帶月來

輓李年伯

兩度趨庭世講聯玄提共領一經傳今來結襪翁何  
處未何函關受五千

清明即事感用舊韻

何須花酒度清明亂後閒身只憶僧改火不勝憐改

邑傳峰竈似話傳燈

也將花酒答清明莫把韶光属了僧人面天桃應逐

水城頭新月又懸燈

輪蹄隊裏閱清明能解閒行俗即僧午後蟻盃消玉

茗晚來蠅字動銀燈

空將蕭寂對清明却嫌忙人不似僧宦趣播間方饜

肉客心寒食亦然燈

病中有客送菊四株艷甚而予步翫維艱感賦



數株寒蕊最精神紅紫芳菲黃白新却嫌對花人不  
韻歷階把玩亦因循

後園觀桃

燕市誰言節候差繇來吹律忝先知後園春日纔逢  
霽透出天桃無數枝

仲春既望清明日

三春仲望紀花辰今歲花辰倍感人憔悴落紅紛滿  
地居然拜掃作文茵

馬上聽黃鸝

當年玉署濫延英慣聽金衣曉曉聲今日重聞花外  
轉悠然塵鞅憶蓬瀛

其二

燕市忙人別却閑東園禽鳥任騰關數聲清轉如相  
喚馬首見然謔故山

其三

玉河隄畔足清陰黃鳥翩翩弄好音已覺會心仍不  
遠何須棋酒逐園林

其四

輶跡片刻總塵忙何似南軒清晝長  
賜第後園餘美蔭也堪翔集弄員吭

我師侄暑月遊金魚池是日紅裙觀者甚盛遂  
有作竹枝辭之約予亦感而賦之

池館居然簇勝場錦鱗游泳佐飛觴  
更憐蓮步徘徊者金縷朱絲一樣裝

寵渥魚頭久賜緋高談蒲坐竟延暉  
翻嫌玉勒催珠履故倩紅裙伴綠衣

雨霽池亭艸色萋女郎連袂笑聲低  
祇緣於物通靈沼竟使行歌作大隄

避暑園林境地寬何妨游冶並追歡  
濠魚自得潛淵樂我輩還同止水觀

城南樂地紀澠池舉國如狂醉一卮  
誰識竹林文字飲歸途猶有竹枝辭

### 夏夜雨過

風月庭中景物殊雨餘霽色湛冰壺  
自慚俗士無珠唾已向堦前艸樹鋪

### 夏夜卽事



東坡全集 卷六  
隨俗春筭置數頭乍逢閒寂頗夷猶誰知薄暮爲蛩語翻起羈情一段秋

南還途中十二感

聞雷

離都未便釋驚魂更警臨城晝掩門昨夜半天雷雨撼夢中猶作砲聲屯

遇風

狂飈何事復相隨一路風沙客已疲願借柳堤吹面可還留江浦盪舟空

望月

新月如鉤又蚤懸勞人草草似相憐更新桂殿蛾眉彩仍逐茅簷馬首圓

憶花

都門人自遠花晨客路無花可對人人到江南花漸老參差辜負一年春

見艸

迎朝暄氣破寒嵐草苗黃芽漸染藍未獲塵容辭薊北已令春色憶江南

東坡全集  
卷六  
見麥

一望菁蔥意自幽  
柳絲草帶若相求  
道旁莫便驅車  
蹂幾許飢腸望麥秋

見柳

幾望蕭疎只舊枝  
忽堪搖颺映游絲  
應慚餞別无青  
眼故何迎來樹翠旗

見桃

溪恐三春花事違  
何期一路正芳菲  
杏壇幸是看花  
主雨化征途已示機

聞更

惆悵花村未識名  
驚魂聊與託嚴更  
添來馬首鈴邊  
响減却江南夢裡程

遇燕

去年馬上聽鶯啼  
今日梁間感燕泥  
旅館還同邸第  
意總堪物外領天倪

聞鳥

翻亭語沸又驚眠  
漫道仙舟便是仙  
賴有鳴禽花外  
轉破除囂闐亦翛然



聞蛙

禁城海曙占鳴先  
澤國纔聞逸響傳  
鼓吹由來宜樂土  
令人仙籟憶鈞天

上條陳疏

年來碌碌每因人  
隨例條雍一疏陳  
已分長安交漸絕  
無庸累牘問名津

溪秋遇雨

無端風雨數宵連  
頓覺東籬便黯然  
好把殘枝頻嗅嚼  
黃花一別亦經年

蚤署聽雨

山寺鐘遲護寂齋  
諦聽浙滴響空階  
寒氈淡意餘絢被  
莫遣傳呼漫闥排

禱雨山下便憇鄭介夫先生祠有感再賦一絕  
曾把流圖動聖顏  
熙寧削色事堪刪  
誰知竝挾清人韵  
一拂還應折半山

病晚觀梅

病欲窺園未便窺  
玉梅自向玉餅移  
寒燈寂寞無處疎  
影新橫三四枝

嘲目

如月眼允鑄始周蠅頭燈下亦須求只今莫効秋毫  
察及毫何能佐一籌

代目解嘲

屢烙多疲力已周盈箱繕寫又何求祇疑文字非根  
抵正欲爲君作轉籌

嘲髮

倏忽華顛機暗張空令染涅技无長祇緣後輩爭輕  
老助爾乘權便作妨

代髮解嘲

公道譟來獨主張從他髮短自心長若教暮景常如  
此點染烏紗也不妨

嘲齒

附離柔舌與微唇藿肉相遭歷幾春何事不安營衛  
分推搖夜半使人呻

代齒解嘲

何用相稽動反唇秋來搖落豈長春菜根咬斷予多  
苦欲遁先聞莫苦呻



嘲心

年來強記羨多聞  
童習依然嘆白紛  
何不縱予流覽  
具少窺半豹與斯文

代心解嘲

英分由來少壯間  
年深精爽自多紛  
韋編三絕猶堪  
補莫續河東乞巧文

初雪

暖氣吹人臘欲徂  
一天雪澤並疑枯  
朝來忽剪冰花  
下未踏梅園蚤已呼

其二

一夜江風作雪天  
粧成楮葉白于綿  
只愁米價騰囂  
市冷落秦淮舊酒船

盛雪

雪裡山川入畫圖  
松虬竹鳳粉爲塗  
更思積玉尋玄  
圃一片空明在後湖

其二

江鎖同雲四望遮  
果然白下白爲家  
談經法力應常  
在臺畔猶疑是雨花

久雪

積雪充含護曉寒都門僵臥有袁安莫將豐玉怪荒  
穀願借紗窗日影看

其二

不盡飛花積數重梅心竹尾若爲封署中坐客生鄉  
思此日寒溪幾餒饕

臘月廿二日以

聖壽告陵雪途有紀

壑深无雪自寒生況復層冰積寶城賴有龍嘘金鼎  
氣不妨人在玉山行

三月三十日夜送春四絕

應怪烏紗解俗人主人三月不知賓今宵淡漠相遭  
去來歲殷勤候水濱

何事春光急欲歸餅花片片墮人衣人情無計堪畱  
住須待羣鶯夾燕飛

節候今春喜較遲猶寬旬日作歸期春光亦有依人  
意只恐忙人竟負之

古人惜別每多情春光依依戀五更未免有情誰遣  
此燈前撥冗效蛙鳴



東坡全集卷之六  
六  
聞鶯有感二絕

去年睨睨弄枝頭  
古本依然百轉柔  
林鳥行藏饒自得  
南冠何繫只淹留

昨計留春借爾牽  
便同青鳥信知傳  
只愁春訝春深也  
翻作催歸不待宣

饋鶴

自憐清署擾將迎  
仙客攜來愜素情  
薄暮空階雙影舞  
中宵警枕九臯鳴

病鶴

有客投樓故姓丁  
到來鐵羽便離形  
無緣楊郡誇纏貫  
應向焦山覓瘞銘

憐鶴

雙大池亭伴暮雲  
誰知偶聚忽離羣  
靈禽更有人間戀  
夜夜哀鳴不忍聞

迎春日聞警劇甚有感

南冠此日競班班  
北地于今畏虜塵  
自愧也充高會客  
嬉嬉同作處幽人

誰遣長江天塹明  
江干昨夜放春來  
近傳狡虜踰河

東坡家乘 卷一  
急莫作江春嚮道猜

南國繇來黍莫愁迎春爭僦閣江樓土牛莫便隨鞭  
碎能作火牛用也否

又將紈扇逐紅裙似感喧填氣便薰爲祝東風齊着  
力先從王路掃夷氛

署中卽事

歲鑰初更歲事殘蕭蕭雍署怯疑寒擬將夜案雪中  
映更得春山雨後看

瓶梅五首

看梅滿擬對家山詎滯江干猶未還折得一枝頻喚  
嚼三春花事不堪刪

檢案匆匆憶故山梅香一段逐春還仍將曄几延清  
況不共書蟬一槩刪

江梅猶喜點他山能候春濃未肯還若待言歸纔杖  
訪畱園此日久爲刪

草堂五日別鍾山二月梅林景欲還人與瓶花俱是  
客勉畱數片莫須刪

一朵瓷瓶似假山暗香浮動往而還更宜疎影來清



焰結伴燈花不忍刪

先一夕言歸別雍署

北麓棲遲兩稔餘今宵一宿作蘧廬山前鍾韻窗前  
竹留與同人醒燕居

次日登舟

一葉扁舟飽歷餘只懷東去隔匡廬江干是處驚風  
鶴但覓安流即定居  
結束舟裝恰雨餘紛然補漏乏精廬祇應滿汎桃花  
水穩作煙波釣叟居

諸生送至燕子磯適警報頻至即乘風解舟不

暇登眺悵然有作

言餞江干古意存磯邊拱立似橋門山璽不欲游人  
續故遣征帆促別樽

其二

重遊佳勝我思存無奈羽書急白門各向蘭舟同擊  
揖不教松石有移樽

清明日舟次上龍潭

佳節江邊寄客舟江風阻客去還畱客中並有年究

感爭折新楊插上頭

茅店臨江集數舟寧堪信宿縱心畱寄言花信風无  
競莫遣波間起白頭

勝遊應不到孤舟獨酌匏尊幸有畱草草芳辰醉一  
度不堪回首燕磯頭

舟發富陽

長憶青山東浙多畱連允景又春過靈禽亦有催歸  
意向曉頻頻叫插禾

水碓四詠

野航恰與麥秋逢石碓樓雲水自春幾許膠舟空感  
額村人長計堰成洪

尺水興波不半身篙間白石響粼粼誰知栗粃分形  
處挹取寒泉有轉輪

費盡機靈效轉旋溪聲一道落飛泉年來粗糲稱艱  
食猶負香粳問水邊

並道江村此日忙未明爭嚮水春莊征帆幾處呼邪  
許不攪苔磯午夢長

季夏入郡雖云候學道郡守兩公祖亦以



族訟不得已而鳴也途中感作

數載風塵隔舊阡經過閭里盡蕭然十年生聚遵何道猶恐司民未肯憐

共隸江南山谷家喜无兵火蹂桑麻只愁旱魃增蝗喙更恐民豪恣鼠牙

未獲肩輿撤半帷蘊隆暑氣莫能支上臺苛禮寬青眼下土强梁橫赤眉

入郡城逢七夕旱甚修禱雖以郡守秉虔鄉紳說法而卒莫之應亦奇厄也爲之愀然爰抒鄙句七絕以當祈文一篇

半月秋郊暑未消詎臨七夕轉如焦今宵靈鶴應無事銀漢疑枯可不橋

七月猶淡雲漢憂空將巫暴費誠求寄言被髮登壇者須上穿針乞巧樓

璽馭今宵會女牛清塵不與畢箕謀願將惜別千行淚化作噓枯萬壑流

溽暑應無到玉樓仍修嘉會赴津頭多情作合同騎鳳不念離羣有喘牛

冉冉天孫莫戀歡  
皇皇太守只憂乾  
煩爲入告桑林  
禱便借潭龍吸硯端

良宵入暝覺微昏  
竟乏涼飈拂市門  
璽匹寧須風月  
助能留雲雨更爲恩

庭前瓜果薦筵初  
居士無能乞巧疎  
但得急持三藏  
鉢不妨緩曬却隆書

先中元一夕寓郡城有感

天宇晴空皓彩澄  
浮屠猶動九枝燈  
應憐接引窮冥  
路大放光明顯佛乘

道是今宵鬼縱囚  
家家陳設備尊鹵  
人間須種天堂  
業莫待區區一日羞

奉先臨俗喜沿初  
治具猶堪待餽餘  
何似東溟長茹  
淡祖堂筵几只齋厨

傳聞荆楚俗多機  
費盡金錢送楮衣  
今夕只應光景  
聞新登鬼錄泣無依

七年游子一宵情  
雀角驅人滯郡城  
應問趨庭何在  
也羞言禦侮篤宗盟

癸未中秋偶逢薄蝕因致晦冥微雨有感



昨宵玉宇素輝流今夕冥蒙焰盡收何物妖墓并作  
祟頓教辜負一年秋

鼉鼓逢逢韻急流廣寒突處莫爲收更嫌絃管吹无  
力便作蕭蕭風雨秋

永夜重雲結不流懽悰相對黯然收何當法力尋方  
外天柱峯頭別有秋

何事素娥影不流高張雲幕未能收祇應佳麗誇圓  
滿不欲人窺缺照秋

佳節人間飲若流也須量歲幾何收碧翁似惜畱連  
其故作淒涼一段秋

勝事良辰逐歲流寧堪茲夕景無收懸知復後充逾  
倍引領來宵萬里秋

聖德迎和上下流何妨雨露助金收由來更仰符君  
子況值空明屬素秋

先重九一日聞惟易先生遊里中白雲峯走筆

索句

傳說高軒入白雲自慚鷄鶴不能羣嶺雲有贈應酬  
句指引山僧悟入聞



東坡全集卷之六  
畱園菊一株小甚遍覓佳者偶得之僅隔重九  
十日而色已少淪矣感賦

三徑何甘竟就荒呼童別院覓奇芳雖然秋老花容  
淡猶得年華物色償

爲逐遊情意自荒棲遲十日始尋芳秋光共赴商飈  
急不爲忙人漸次償

花列蓬門便不荒況叢羣卉開餘芳何妨節後閒情  
對仍辦籬邊醉限償

花事三秋欲破荒東籬何意便收芳應疑園客工時  
種解使花神急景償

老圃如憐老眼荒猶餘數朶逞孤芳叮嚀莫漫枝頭  
摘不爲村姑點綴償

冷置場師意似荒也來陋室開殘芳奇姿莫恨無青  
眼猶有陳人把玩償

乍入衡門事事荒黃花應自減羣芳來年豫作灌園  
計不使花畦淡薄償

癸未八月放榜忽聞吾郡脫科有感

杏花移樹桂花間四百英雄攘袂攀不道臨川光焰



筆一齊頽禿落孫山

吾鄉壇坫夙群尊何事移場並怙寬莫是公車遲上苑便教將幟避中原

文事更新仰

聖明恩波何獨漏羊城極知無待

天荒破也合微裁霸氣盈

仲冬朔日譙守禦因演鄉勇有感

吳鼎

鄉勇招採亦赴桓莫將塵飯土羹觀借才猶有青衿應須畏鋒端似筆端

內政由來管用桓熙寧保甲耐人觀但能守望長相助親睦王風此造端

仲冬初九日夜聞寇退志喜

昇平似叶一陽生寇退權傳自郡城便使籬頭吹感栗梅花不受鐵衣驚

避寇聞清三市塵憂民太守只孤身今宵星月村村爛堪炤思歸痛定人

羊城何幸脫兵戈不似螺川風鶴過自是西江饒福地旌陽祝語故饒歌

東汝神君臥理多不聞禦侮說如何幸哉師至氛宵

道牛酒猶能脩督科

至後一日畱園見梅

魁春羸舁夙名傳更向春魁占最先至日偶逢晴景  
燠南枝已挺竹松邊

寇退人間草木懽一枝斜放破溪寒畱園仍有棲遲  
者能向枝頭仔細看

仲冬望日再閱鄉勇用前韻

聞說妖氛失武桓還將鸞鶴耀人觀綢繆肅戶須堅  
整莫遺疎瑕自見端

凌寒壯士尚桓桓雪裏旌旗故改觀農隙從來資講  
武莫貪歲鑰漸更端

不涉園者數日梅花已盛開矣少選鶴舞其下

雙白交映亦一刻清絕景也爲數韵以詠之  
主人塵鞅未窺園覓句須教坐竹根仙客花神俱有  
待故將清影弄香魂

此日天心見蚤梅素交氣類自追陪須知凡卉招蜂  
蝶安得水肌侶鶴胎

梅梢紅粉乍爲塗舞袖偏宜鶴頂珠若對吾家披氅



客還應人擬是蓬壺

巧綴園林一樣粧安排飛植共霓裳莫嫌老圃山容  
淡猶有天竺禪劇場

園中觀梅

特來梅下把餘清便見飛花使客驚欲折一枝還自  
惜巡簷猶喜拾殘英

入臘旬餘雪月慳梅魂冷落未開顏由來孤韻無多  
狎耐久交朋自合攀

四月二日大夏朔日夜送春有作

罽端又作送春人兩度稱觴恩却春九十光陰仍過

客似添杯物得全真

紛紛醉應俗樊人身在春中不識春賴有畱園堪茂

對春光面目認還真

迎夏何期告朔人似將合計緩畱春祝融亦有謙光

意未肯乘權便即真

芳春心謝肯依人欲別還畱一日春畢竟春隨流水

去空將恨別惹情真

五更不睡惜春人此日還同三十春移却五更今夜



用多情自昔別離真

春歸猶見夏畦人夏雨難同四澤春赤帝若逢憑寄  
語年來憂旱下情真

送幾春風解老人誰將大藥駐長春來年拱立溪邊  
俟莫遣衰顏認不真

四月八日隣姬借予廳事禮拜大士予避之畱

園晚歸感賦

是月精靈感聖賢宣尼卽世佛生天不知彼教何能  
爾傾動幽閨頌大千

舊傳閨秀兩班賢勝會皈依各一天強半銷沉謀合

室可能法力護三千

閭俗能從施布賢也隨佛會禮諸天歸來笑問童孫

女今日珠聲念幾千

避地何居讓閭賢畱園淨土別爲天蓋鄰竹木陰垂

四酣日榴花葉有千

占候農家諺語賢困人茵氣混梅天雖然晴雨剛分

半總荷蕊雲蔭十千

閱邸報見李括蒼年翁正月蒙

上御正陽



門行遣將宴餞禮因憶黃東崖年翁有作

晉江曾與禁遊歡曲沃今叢授鉞看我輩祇宜高閣  
束擊壺久寂況彈冠

棲遲衡泌未能歡又道妖氛秦晉看賴有元戎堪寄  
闌蒿呼祝罷急纓冠

情賢夢卜久稱歡山左才兼將相看歌舞華堂人憶  
舊紫雲未許便黃冠

孟夏望後通都復演鄉勇有感

演武胡然際勸農綠林豪客正蒙茸還須多助颺朝  
氣便借虛聲寢夕烽

莫嗟此日武妨農自昔蒐苗獵五葺西北祇今多戰  
事也應鄉弁佐邊烽

荒村此日正忙農兩族旌旗亂葉茸安得荷錢輸助  
犒莫教榴火戲傳烽

甲申五月聞國變後覽鏡自傷

人世茫茫盡有涯新齋國恨愴於家何堪匝月愁  
千斛都上華顛盡染華

甲申七夕

分飛 御座陪官門 誰駕靈橋度 怨魂造物祇今偏  
薄甚難將 天子匹天孫

滌滌山川火宅團 靈輿未必盡今歡 懸知箕尾天津  
處滿目丘墟不忍看

未便離思動女牛也 應亡國恨悠悠 尋常情淚揮成  
雨此夕明河濕不流

甲申歲至日恭祀 祖祠禮畢有感

幾何郊壇肅饗儀 精心仍展奉先嘗 追思琮璧輝煌  
地無復 天威顯若期

機屨迎長自管儀 萬年有道獨乖時 民間尚舉三

成禮 太廟曾无一獻期

至日陽生信兩儀 獨憐 宗社灰灰昔吹燕 鄒律何

筆力不見芸香荔挺期

傷心害氣燼朝儀 應屬天心百六時 待得一陽嗟鼎

耳真人白水已昌期

南國容臺正舞儀 禮臣猶是里尻時 丈三日景依然  
識尺五天顏未有期

衰頽廟貌欠威儀 儲脩更新正此時 爲鼓嗣孫須肯



東晉書卷之六  
六  
構莫辜豪傑代興期

耳與人白水日昌明

謝心寄辰點陣謝顓臯天山百六朝餘幹一物與興  
聖代不具芸香燕琳膜

至日賜主計西封國謝  
宗振及列骨如燕燕幹何  
謝顓臯大應曾氏一爐膜

東晉書乘目錄

卷之一

五言古風

都門呈光復叔祖并道所懷

賀李任衡登第

戒飲歌

元夕後一日雪中傳惕庵招同光復叔祖周元

亮小集乘醉步月隨訪陸可三限雪字

午日宿灰埠用孟詩題終南韻

卷之二

七言古風

午日署中紀事

帝京中秋明月歌

辛巳孟春家太史叔祖覽揆之辰適謝南大司

成  
恩和韻紀勝

刈麥歌

卷之三

五言律詩

酒樓觀麥

辛巳穀雨同胡葵中張源汾兩寅翁郊行喜雨

其二

庚辰午日  
上御五鳳樓賜百官粽宴步李

澆湘先生韻恭紀

卷之四

七言律詩

元夕宿西塞

元夕舟雪



舟中雪行

牛首山

雨中過采石

關山雨中

旅次書懷步畝和韻

庚辰放榜日光復叔祖以詩見招用韻賦謝

都門喜雨應祈

和光復叔祖三閤北士騎射韻

其二

其三

馬上聽黃鸝

其二

魚池讌集爲白仲果朱玉藻聯好志賀

其二

送畝和宗丈南還

灌花

焚香

晒書

滌硯

夏日喜朱茂如黃東崖李括蒼三先生同叔祖  
光復雨中過訪

其二

賀徐印臺父母

送陳千秋南還

輓丁老社伯

九日吳春臺別駕携尊過署相約尋山予與叔  
祖光復公俱以他事未果因同官行可諸士  
就飲署中分韻紀事

其二

送朱仲美台州別駕

送馬右白之鎮江

送蕭六冲之太平

賀牛虎溪年丈守昌平

雪夜牛虎溪年丈招同楊范諸摠戎集自公軒  
仲冬望日牛虎溪年丈約游岫岫巖忽爲班役  
促歸悵然一別



辛巳元旦試筆

新城道中書所見有感

其二

臨邑公署有邑殘憂國弱雞瘦念民貧之句有

感

早發臨邑

濟陽道中

清明過長山

爲張源汾寅翁追壽太封翁遺事志感

昌邑土寇平

步禱應祈志喜

其二

夏日偶憩蜜僧靜室

中秋同李蜃城飲孫可泉日涉園

狂風落葉

泛濰河

重陽前五日同李蜃城孫可泉遊青山

九日

其二

人日立春寄祝允復叔祖

其二

卽墨署中

其二

元旦試筆

卷之五

七言絕句

古碓道中

試馬上松蘿

其二

七夕宮詞

其二

其三

其四

其五

其六

其七



家嚴誕日書懷

其二

昌平醉月臺

過牛山

金嶺鎮值家慈初度日有懷

東溟家乘卷之一

古臨王廷垣 康侯甫編

姪孫 師文西來甫著

五言古詩

都門呈 允復叔祖并道所懷

入江多載雪入路更披沙  
拚茲馬上辛來餐西山霞  
西山佳氣清左右 天子家前有輔弼星光射溆之  
涯槐庭容馬旋沙堤柳着花從古黃金臺駿骨不可  
賒公也桃蹊成梗楠登金華予際昌明時豈不聞蠻

蝸爲茲堂上人星星白髮加鷄肋爭鬪申言之亦嘔  
啞杜厦千萬閒新燕任參差願言貽良謀補天追神  
媧後此雲與仍共佩德音遐

賀李任衡登第

鵠山有老棗與君志不忘其茲長安道文章發清允  
日射屋流金袍笏出宮粧同人宴聞喜羈策珊瑚裝  
得意正季少燕女接樓廊笑聲喧徹天空中飄帶揚  
餘茲爨下物亦發呌笑狂快我髫年交挾筆蕭風霜  
縱橫而宙宇肩脊屬檐當余卽伏櫪鳴先亦賡明良

戒飲歌

生來四十年幾度花会下相呼月共三耳熱頻相詫  
來徃古和今感慨无憑藉今朝劉畢狂盡爲東萊嫁  
民社到肩頭馬牛無晝夜脫粟走槽中糠粃重爲研  
習知宦游淡毛吹勤覓鏐趙歌作右銘焚香讀三罷  
麴國念民荒且放王生假多飯獲上考未以俗吏訝  
我輩血性人書紳兼寫屨慧劍破糟丘風雷供咤咤  
戒之復戒之斲不爲君借

元夕後一日雪中傳楊菴招同允復叔祖周元



亮小集乘醉步月隨訪陸可三限雪字

元夕一盤米誰將刀碎切寒氣肅燈容走馬鳴金鐵  
爲戶唱西施主賓相頽頽一曲叫欲狂載歌耳盡熱  
余憐伯雅勞十籌作飲訣清趣天湊來酒腸依舊別  
多君解宦縛擁貂踏玉屑無處覓人踪媼家燈亦滅  
意外美人逢擎盞嚼風雪不嗔右軍狂反笑袁安拙  
此夜事多奇醉心不可說有爰天一方經年稱濶絕  
明月屋梁思忡忡心幾凸一旦聚長安間之殊惓惓  
興逐剡川舟三更啓重闌未揖先軒渠雄談雷電掣  
始悟離合理大似黃河決百里也一回千里仍一折  
此地會朝宗東井占星綬慚无仲舉才縣榻胡相竊  
江南路上春都爲客夢設起視窗紙紅餘韵猶清冽  
長嘯出城東柳條皆漏泄

午日宿灰埠用孟詩題終南韵

一輿自東來蒲幕收紅焰午日事奔馳好山慳憑跳  
誰言吏俗人不俗吏亦妙清署蛙鼓鳴收作梅花調  
靜坐槐陰清掀鬚一閑笑笑我冰鐵心其中胡自燒  
白衣蒼狗生往來東海嶠獨酌吊屈原匣中龍虎嘯



日次卷終生封來東城御酒  
轉坐縣創書新餐一閑笑笑  
歸言更谷人不谷更亦改書  
一與自東來藏幕如珠欲千  
平日宿又早用孟精眼絲南  
長觀出知東城斜谷賦賦

以南望上春晴為客憂  
此此會時宗東共古星  
欲卧轉合壯大則黃  
東活家乘卷之三

青臨王廷垣 康侯甫編

煙孫 師文西來甫著

七言古詩

午日署中紀事

去年蒲玉湖中切樓船鼓吹雲天徹  
今離親舍趨燕  
熱榴花又噴猩猩血五鳳傳恩團黍設  
天子登  
樓親視閱千官飽沃  
皇情悅下及僧道皆流歡曠  
典初聞心惓惓半生家食終疎拙賴有肝腸如白雪



近之威可侵水鐵取擲盤中和冰啜古木轟轟清泉  
冽欣茲 官署不予屑爲余忘分炮生驚玉璫黃流  
爭塋潔情淡更憶椒節設百斗頻澆心火烈狂來不  
覺將花折折花誰贈心自說旋煮爐金沉水爇吁嗟  
汨羅孤忠絕剩有離騷歌數闋余將對酒作一偈荷  
鍾臥甕多眞訣曠然天地一鸛垵風雨陰晴本更迭  
菖蒲搗水香生舌此情千古堪轆結爰勅吏部封趙  
葉百年又一天中節

帝京中秋明月歌

撥鬚一嘯長空碧美滿清允天地白人言秋事此中  
分伯雅相從搖琥珀同在乾坤誰是客素娥境遇實  
千百或炤淡閨長嘆人或來富貴王侯宅沙場豈無  
刀頭魄逃亡破屋溝中瘠相傳今古尔無私尔亦臨  
之無太擇遙憶南樓雲水隔胡床今夜誰分席余將  
學得晉人狂左螯右庖頭岸幘醉讀曹瞞詩驚劇嘉  
時良會當珍惜桂花但得滿衣裳何用珊瑚高竊美

辛巳孟春

家太史叔祖覽揆之辰適謝南大

司成

恩和韻紀勝

之辰適謝南大

西來



皇極錫福瀾宙宇蕃宣及時誕申甫 講筵啓沃快  
得君火燥水濕稱作觀勝事歷難更僕數六朝詞賦  
跨今古主持文運賴宗師未許清談消玉塵 帝念  
章縫多板腐高巾濶袖國無補因從 儲幄覓鴻儒  
鄭重溫綸出玄武南北國士雖分土後先皆以師爲  
主燕臺駿駟市黃金金陵桃李逢時雨線才新爲東  
萊取驪馬作歌附樂府欣逢鵲視杏初紅心神不禁  
私爲栩栩坐中新句如絲吐檀板敲燈唱漁父勸  
水熟獅頭雲中鶴避烟如縷葡萄釀得千紅玉  
浮光搖珀瓊但知拳勝卽軒渠頓忘官拙無偏倭上  
禁分得春允溥碎嚼梅花入肺腑大年指紀萬億千  
夜月絃開二十五從此辟雍樂鍾鼓受成于學賞於  
祖席端黃閣瑁筵開歲向承明習蹈舞

刈麥歌

海濱沙磧不宐穀但宐首種作耕牧年年灾異見天  
心雹大于拳蝗百斛飢民三日不一粥夫妻同枕謀  
相鬻妻曰我太忍尔孤夫曰尔在我無菽久之夫妻  
相對哭割斷麻衫各一幅推之父子弟兄間離散人



家幾百族上天仁愛剥而復兩岐秀結千層綠值予  
策騎入昌來夾道垂垂粟穎熟短鎌長檐相奔逐大  
者成筐小成掬熙熙其道歲有登相逢共說王明福  
大家刀劍易牛犢豚蹄孟酒田中祝滿篝滿車望何  
餘千倉萬箱皆果腹樂矣吾民立自淑靈臺猶貴完  
真樸我聞三代無它奇愚者農兮賢者讀

東浩家乘卷之三

古臨王延垣 康侯甫編

姪孫 師文西來甫著

五言律詩

酒樓觀麥

峯樓何處結二麥舞軒斜行處村爲社閒來酒是家  
移尊雲正變洗盞月初華未敢言雙穗奚囊喜貯霞  
辛巳穀雨同胡葵中張渢汾兩寅翁郊行喜雨  
治農均受 命好雨暗相招四塞辰光合平原曙

色嬌樹流脂粉濕麥染黛鈿嬌春事堪攜取停車看  
柳條

潑潑辰風勁穿雲踏野村惜春鴉理屋應節雨翻盆  
官蠹頻呼路人家尚掩門東民應有樂濁酒醉鷄臙  
庚辰午日 上御五鳳樓賜百官粽宴步季曉

湘先生韻恭紀

榴眼初明午葵心正暴陽瘞埋占玉吉續命嘉絲裳  
軍士蒲爲劍官人荷剪裳翠華臨兩掖玉食布多方  
鳳舌傳 恩下螭頭接佩躋 一人零露湛九

子帶天香帟賁曾无漏貂鐃不敢嘗筵開樂燕喜鏡  
鑄發龍光良邁誠云異惟休未有疆微垣瞻帝曜徒  
律中文昌從此精神聚誰云汜小康



東溟家乘卷之四

古臨王廷垣 康侯甫編

侄孫 師文西來甫著

七言律詩

元夕宿西塞

溶溶春月冷江洲萬里情同一棹流殘雪爲山開白  
眼閒雲倚樹結青樓四隣風霍頻驚枕一帶烟漁盡  
罷鉤遙憶長安今夜事家家兒女鬧僧頭

元夕舟雪

人謂今宵雪不宐天因妬勝遣滕師鳥鳥酒後梅粧  
冷沸沸鐺前竹火遲海上六鰲連水起浪中一葉任  
雲迷楓宸雖號心如燭誰獻新絲二月詩

舟中雪行

雪裏孤鴻挾霧飛江天雲樹森然非短簑冰砌銀爲  
甲遠案鈎懸玉作幃墨汁塗鴟烟尚濕松濤拂蟹响  
初微縱橫湧洞思无际羨殺高樓鶴報歸

牛首山

不因望月喘春汀六代官眉送遠青角挂數拳顛米  
畫影拖百丈季倫屏潮來响荅江聲碎水落林疎漁  
火停把酒船頭掀髯望巉巖真不媿山經

雨中過采石

雲駛驅山萬樹封白衣蒼狗幻山容狂奴故態書時  
舞學士前身醉裡逢江緩中琴喧中筑石蹲如虎掛  
如龍看來大似險糜染却譚元章筆過濃

關山雨中

一關吐納太來雲截斷天河勢兩分盤石新泥沾馬  
足傍巖古樹浴龍文醉翁酒意泉同聖老衲經聲鶴



其聞扶杖臨松聽水响驟如鐵騎萬爲羣

旅次書懷步聞和韻

強仕者云資壯年予將五度寄幽燕山家未許書成  
癖上國尤堪酒作緣幾樹高低憑鳥踞一轅南北任  
牛牽生平學古官方入陋說區區劉寵錢

庚辰放榜日 允復叔祖以詩見招用韻賦謝

駿骨逢人盡市燕頓教獵喜復軒然已知黃印勞孤  
肘豈許青山占兩肩才思既經淘洗後聲名尤賴簪  
揚前龍淵吼匣非無故策獻天人正可編

都門喜雨應祈

麥老春深地不膏尚衣承旨進青袍直言鳳尾頻頒  
詔獎政貂鎬盡返駝駟帝幾番勞用樂格天原不在  
焚蒿 聖明默有通玄路一夜商霖足萬皐

和允復叔祖三閱北士騎射韻

詞壇百將各張弧文武功高帝曰都早向曲江官太  
白行看淝水破堅符天閑儲養才皆駿王路驅馳質  
匪駑媿我長鳴無樂顧技藏徒似爨桐枯

其二



初生未穀已縣弧戎馬書生洵美都自信風輪省理  
窟須知竹簡即兵符簇翎旣可穿高葉鞭策還當及  
後駑因有後至補試者謝有作人真宰相環橋桃李盡生枯

其三

險縻戰捷又搃弧令甲新看出帝都教士喜同矍相  
樂獻曾適與闕官符方臯識老能評馬孟頫才高不  
畫駑總是聖明滋灌好儒林安得有焦枯

馬上聽黃鸝

按轡行春何處鸝流音碎落杏花卮高低好叶君臣  
調斷續爲添士女思樹底鞭停生遠致天邊簫奏話  
新知山居曾與書聲和上苑還來繫玉羈

其二

禁鐘初罷柳烟肥睨睨因風下翠鞵陌上絲蠻呼酒  
熱耳邊絮聒笑人歸步塵正喜香蹄緩踏翠休教玉  
鞚飛快彼龍媒知我意翹披雙竹亦依依

魚池讌集爲白仲果朱玉藻聯好志賀

塵纓欲洗賦如棠萬點金鱗茜血裝星聚披衷忘異  
客天遙舉目盡同鄉初涼乍試新衫薄老嫗還將舊



東坡全集 卷四  
倩倩慣作豪遊多不散閒情惟看燕來忙

其二

臨池醉面映紅泥  
荇鎖新錢掛蚌臍  
水即孟圓天不碍  
墻堪屏短樹能梯  
客情強半還詩酒  
邊事重來問鼓鼙  
婚嫁亦能同向子  
何時五嶽擔頭栖

送王鼎和南還

六橋新蔭久成雲  
管領如今正待君  
韻事每從驢背得  
離情好共雁聲聞  
已知官柳難拴轡  
又見仙槎喜媚裙  
客舍切蒲歌驪馬  
不須再讀北山文

灌花

瘦質登盆滿貯泥  
一瓢清冷濕雲栖  
胭脂乍洗嬌容懶  
玉液頻澆醉態低  
解語會聽鸚鵡說  
遊魂肯爲蝴蝶蜂  
迷晝長盡日勞閒  
思又見飛來幾個鸚

焚香

北窗睡起試龍涎  
馥氣依微接上玄  
檼破時看青線出  
墨酣爲帶翠烟還  
餘閒許我畱清事  
長日同人共小年  
縷縷相思獅鼎結  
倩誰郵寄到伊前

晒書



廿載風塵老蠹魚黃梅雨氣慣侵書牙籤啓似相逢  
久丹墨披如未見初毡上線細傳世業秘中篇帙備  
宮儲盈笈字字勞天眼評註精嚴好導余

滌硯

石英不肯受楊花豈許西風送白沙水任魚吞鱗帶  
霧烟隨兔飽潁生華鐵腸自信能澆雪玉質原完可  
試礮正喜此中無宿物斯須破壁走龍蛇

夏日喜朱茂如黃東崖李括蒼三先生同 叔

祖允復雨中過訪

自分焦枯寄鄧林多君折節共招尋爭傳星聚龍允  
合尤感雲高犢愛淡筆舞欲仙忘夏日觴飛如澍渾  
商霖凌尊獨恨樓頭鼓點點偏催太客心

荷立金鱗血染成撲人酒面玉爲傾從來學士多傳  
醉愧我書生未解醒野服乘風追馬足朝衣帶雨送  
蟬聲雷門次第珠璣落布鼓應憐別有情

賀徐印臺父母

庾樓好月待胡牀風御仙槎度武昌宴上簪花宮女  
笑座中縣榻使君狂皇情南顧方城重 帝澤東行



東坡家乘 四卷  
廣漢長自喜近天先就日早賡樂只和龍光

送陳千秋南還

吞胡有志暫行邊筆血刀腥各有權單騎策雲瞻氣  
紫一鞭指月看天玄雁門遊壯文思發鵠社談淡友  
道全歸去好爲知己道長安意氣重于錢

輓丁老社伯

看花剛罷報椿墮萬里瞻雲見雁回白露早橫秋意  
蕭青霜陰動古人哀補裳有志追山甫戲綵何能及  
老萊風即欲休無靜樹正襟深夜幾徘徊

九日吳春臺別駕攜尊過署相約尋山余與

叔祖允復公俱以佗事未果因同官行可諸  
丈就飲署中分韻紀事

爲笑登山亦枉勞逢場醉處卽成騷看萸子細人都  
健刻竹敲推境自豪喜鱗戰秋披紫甲憐花先節褪  
黃袍 帝城縱目皆玄曠何必金臺百丈高

其二

籌飢相對念民勞門外壺尊意轉騷帽本有情知是  
節糕云無字却非豪長房不禁萸爲佩明允何妨布



東坡全集 四卷  
作袍同在異鄉休感慨日邊五老一峯高

送朱仲美台州別駕

天市屏星對越輝親臣信屬

帝心依龍湫擁蓋

雲初蒲雁蕩隨車雨正肥時事如今淡可念生平從此不相違更奇劉阮真消息早向長安坐翠微

送馬右白之鎮江

曾向金山問冷泉如君清冽致同然題輿喜見先登岍作楫行知好濟川八代文章歸岳麓六朝詞賦繼延年江南饒有高人蹟政暇常宜載酒船

送蕭六坤之太平

長江拖練鎖天門重郡從來踞地尊錦水浣花因脩蜀黃山歌紵又臨繁灶烟早見鴻歸野街鼓何勞犬吠村攜得君恩如絳雪十年豐玉滿郊園

賀牛席溪年丈守昌平

甘苦相同計廿年登朝却讓使君先膚功早奏彈琴峽上治重逢洗日淵海大詩腸堪脫腕霜嚴酒政肯輸拳長安寂寞肌生粟休笑臨邛客愛錢

雪夜牛席溪年丈招同楊范諸總戎集自公軒



東坡全集 卷四  
文武同心好奏功  
寇萊坐上有元戎  
嚼水早識寒梅性  
醉月新開醒石叢  
多載酒船歌猛士  
蒲將夾袋貯詩翁  
談淡五夜星辰濕  
剩有雪光焰火紅

仲冬望日牛馬溪年丈約遊  
峒峒巖忽爲班役  
促歸悵然一別

遊情不似宦情濃  
山水空教馬上逢  
恁說峒峒成夢  
想才言止止又朋從  
烟雲晚護連天雉  
鐘磬辰敲騶鉢  
龍幾處河沙皆夜渡  
翻憐雪爪有遺蹤

辛巳元旦試筆

東萊 簡命喜新承  
半夜遙看海日升  
子舍固知千里隔  
皇情惟祝萬方登  
相期擊楫澄江漢  
何幸題輿到魯滕  
自笑嫁衣初剪就  
恪將棗栗獻高曾

新城道中書所見有感

畿南芻牧問誰司  
斷瘠盈溝若未知  
惟聽四隣多夜哭  
試看幾處有辰炊  
任拋曠土全無術  
徒閉空城亦枉爲  
何怪官楊春不長  
枯根剝盡已無皮

離離茅舍盡方亭  
大半村家無外扃  
歲儉止餘人骨白  
春寒不放柳條青  
饒多凋瘵誰云救  
爲有催科未



東晉書 卷四  
肯停安得監門饒鄭俠再來此地畫圖形

臨邑公署有邑殘憂國弱鷄瘦念民貧之句有

感

殘邑人亡地盡無憂民念國兩烏烏盤餐辛苦喉如  
咽輿步蹣跚面似塗四相同朝勞燮理八家離井任  
號呼當年有食嫌鷄瘦鷄至如今瘦也无

早發臨邑

早起征衣索未明如尊叱馭促王程旭光焰蒲春林  
曙月影橫拖野渡平路險連朝無馬跡村荒一帶少  
鷄聲更憐殺氣貽東土盛世犁鋤盡化兵

濟陽道中

十里迢遙一坂長曠如天海望茫茫風沙晝捲平空  
黑霜艸春淡蒲路黃官卒饜糠嗟久餓野人煮水訴  
奇荒舍輿就蹇非無意亟拯東民出沸湯

清明過長山

村姬攜伴踏郊行柳葉簪頭翠影橫麥飯酒墳鴉蒲  
落宿芽薦水雉交鳴林疎時見曦光逗地沃驚看秀  
色平信是此間風俗好家家陌上醉清明



東坡全集 卷四  
爲張涇汾寅翁追壽太封翁遺事志感

子情純篤遇難齊幾處春鴈何月蹄弓治多方催沼  
鳳梧捲有澤寄窗鷄文章奎聚名登北杖屨箕乘人  
公西不道曲江剛宴罷白雲一片鎖簪笄

昌邑王寇平

二東百罹自躬丁兵弄潢池寇戶庭天降甲兵風雨  
驟將鳴輦鼓海潮停非關眉怪原來赤總爲郊荒未  
着青獸散允歸天子福更圖長策保鳩形

步禱應祈志喜

庭羸饑骨似苗枯眼底雲霓懼後賴望慰三農泥切  
玉澤流五月草凝珠漫言吸硯饒他術陋說暴巫亦  
下圖救切溺焚天自鑒此中寧有別工夫

浩浩天功未敢貪何緣野燒際飛甘農收帶潤麥千  
細婦摘拖泥萊蒲藍但得庶民福錫五何勞政蹟異  
稱三兕觥肯爲公堂壽七月郊風讀正酣

夏日偶憩密僧靜室

此中若箇許誰忝半榻羲皇入夢酣靜裏疎狂仍是  
密得來辛苦亦成甘毛鳩喚友非無說泥象聽經正



東坡家乘 四卷  
可談袍帶袈裟無二致閒雲一任抱燈龕

中秋同李蜃城飲孫可泉日涉園

四雲乍合又貪晴蟾魄偏于醉後明短竹拂窗生遠  
韻高槐夾道起秋聲石枰剩却荒臺冷金剪分開古  
徑清愛景話闌兼惜別城西不覺斗星平

狂風落葉

颶濤噴沫响空階極目蕭森碎客懷上下瀾天行蝶  
舞縱橫掠砌陣鴉排掃來茶灶紅添火積滿書床綠  
襯鞋過雁多情頻作隊不辭風雨喚天街

泛濰河

渺渺高旻數雁橫潺潺抱郭一流清人因歸市爭趨  
渡余爲貪山始出城派接吳溝河性急媒通膠濟海  
聲平相傳舊有囊沙者誰信孤舟似葉輕

重陽前五日同李蜃城孫可泉遊青山

聞說東南有翠屏登來山意果多情高岡雲霧千頭  
削下界山河一掌明齊俗轂肩今漸少楚人琴劍夜  
尤清同君絕頂稱三笑落帽何須問孟生

九日



舊帽依依豈畏風新詩倩雁寫長空雲迷親舍三山  
外花報人家九月中送酒當年皆古處登高今日有  
誰同最憐兄弟勞車馬冷署楓高不耐紅  
青山新結幾人家百姓偕登少怨嗟酒聖杯杯皆醉  
月吏仙處處許餐霞思橫喜作三都賦政拙羞聞五  
袴誇海上魚肥人不到東籬閒却數頭花

人日立春寄祝 允復叔祖

墨城晨正見農祥土菜調羹寄上庠官以儒名梅其  
嚼年因德進柏先嘗燭燒玉署宮人喜杖掛金旂土  
女忙攜得雪衣千萬隊大勞不肯放人行

勞山舊號有神仙不向丹砂覓大還館閣文章垂世  
永橋門桃李闔春妍簿書俗爲詩腸洗筆墨靈從酒  
政傳第恨東南江海隔秦淮一渡在天邊

卽墨署中

雪上飛痕寄大勞痴歎欲售價偏高雲生天外親雙  
老酒滿燈前兒自豪民莫西求無土著宸憂東注在  
新漕近來詩思皆多廢燒柏重增一段騷

一刻年分舊與新焚香祝國並思親兒童貪戲忘家



遠父老乘閒話野貧自愛清流依墨水何嫌春夢攪  
江濱對燈默問從頭事淤裏蓮花作現身

元旦試筆

一身萍梗任西東王路驅馳急在公航海多謀先理  
楫吞胡有志且捺弓勞山仙榻懸天外楚澤人家入  
望中物候乍驚遊宦客隴頭綻却萬千紅

東渚家乘卷之五

古臨王廷垣

康侯甫編

姪孫 師文西來甫著

七言絕詩

古碓道中

官柳絲垂不繫鞍馬頭多屬霧中看憐將春事輸沙

土二月猶餘塞上寒

試馬上松蘿

北水多分讓惠泉水團一騎達幽燕烹來火响松風



入屈指今朝正雨前

簡點宣柴舊器供輕浮新綠暗香封獨憐爲客三千  
里猶似偕僧醉九峯

七夕宮詞

十五從娘學閨鍼下堦私拜自沉吟如今牛女依然  
會誰識當年下拜心

日日臨粧貼翠眉怕聞宣召拜恩遲  
鴛鴦奏一天韻難道君王不動思

漢鎖長門月過梧半天孤韻動流蘇翠華不見羊車  
入鹽汁空教竹子枯

鹵簿聲催樹葉飛漸聞天子過東闈長橋鯨跨無人  
渡徒向河梁笑鶴稀

漢武行宮接太玄欣傳西母下瓊筵君王不愛神仙  
術縱有青鸞亦枉然

離合從來未可圖安能歲歲學雙鳬普天怨曠君如  
問今日孤岑不第奴

樓頭角漏正三更天上佳期事已成收拾閒愁歸好  
夢來朝牛女亦熒熒

東坡家乘 五卷  
家嚴誕日書懷

毋從客裏度親年子孝臣忠未兩全記得  
午門心  
禱日依稀三載尚畱燕

白雲片片吐西山任意高低太自閒明識雲端親舍  
在芙蓉不上綵衣斑

昌平醉月臺

素娥不柰塞風寒瑤玕飛杳接玉盤足下近天剛尺  
五此身早已到雲端

過牛山

滴水春枯劍戟屯人家黃犬候柴門牛山好石多斑  
駁恰似當年淚點存

金嶺鎮值家慈初度日有懷

宦遊何處滌塵纓幾度慈辰道上行何似東隣未嫁  
女膝歡日日傍娘生



丈艸博日日艸敗生

宜哉可與絲頭縣縣與絲氣能上竹何以東觀未效

素嫌金齡誰能家慈隊與日日有酬

翅外財富平與無非

而本殊林前陳輝引人家黃大新樂月半山故不參班

